



Za dilere droge zatražen pritvor

Tužilaštvo je predložilo pritvor za Aleksu i Petra Krndiju, te Vojslava Žugića kod kojih su pronađeni droga i oružje

DRAGAN PAVLOVIĆ

Tužilaštvo BiH zatražilo je određivanje pritvora za trojicu uhapšenih u akciji kodnog naziva Povratnik, koje su na području distrikta Brčko u srijedu uhapsili policijski službenici Državne agencije za istrage i zaštitu (SIPA), u saradnji sa policijskim službenicima policije Brčko distrikta BiH.

Ometanje istrage

Pritvor je zatražen za Aleksu Krndiju (1962), rođenog u Jajcu, Petra Krndiju (1994), rodom iz Mrkonjić-Grada, i Vojslava Žugića (1981), rođenog u Sarajevu, svi nastanjeni u Brčkom. Oni su lišeni slobode u akciji provedenoj po nalogu Tužilaštva BiH, a koja se odnosi na procesuiranje osoba osumnjičenih za krivična djela organizovanog kriminala i neovlaštenog prometa opojnih droga. Mjera pritvora predložena je zbog opasnosti da bi boravkom na slobodi mogli ometati istragu, prikrivati dokaze i vršiti utjecaj na svjedoke ili saučesnike, te ponovo počiniti krivično djelo ili završiti započeto.

Osumnjičeni su pod istragom da su kao organizovana kriminalna skupina učestvovali u međunarodnom švercu droge, koja je najčešće iz Srbije krijumčarena na područje BiH, odnosno Brčko distrikta. Naime, terete se da su od septembra 2016. do augusta 2017. godine, u saradnji sa osobama iz Srbije, nabavljali heroin i vršili distribuciju i preprodaju na području BiH. Također se sumnja da su na području BiH nabavljali i distribuirali marihuanu i spid.

Tokom provedene istrage, pretresa i hapšenja, zaplijenjena je veća količina narkotika, dokaznih materijala, kao

i novca za koji se sumnja da potiče od prodaje droge. Kao što smo već pisali, pretreseni su objekti na deset lokacija na području Brčko distrikta BiH i Tuzle. U okviru ove akcije pronađeno je i privremeno oduzeto ukupno 600 grama heroina, 100 grama marihuane, nekoliko tableta ekstazija, digitalna vaga, folije i selotejp korišten za pakovanje droge. Također, nađeni su vatreno oružje bez dozvole sa municijom, laptopi, računari, mobilni telefoni i SIM kartice, uređaji za pohranu podataka, određeni dokumenti, bilješke i rokovnici, određena količina zlata i oko 30 hiljada KM.

Hapšen i prije

Kao što smo već pisali, na području Brčko distrikta BiH slobode je bilo lišeno šest osoba zbog organizovanog kriminala, te šverca droge. Još jedna oso-

bajesaslušana u svojstvu osumnjičene, nakon čega je otpuštena iz službenih prostorija, dok se za jednom još traga.

Aleksa Krndija je i prije hapšen u akcijama kodnih naziva Raduša i Delfin zbog trgovine drogom.

Na području

Brčkog

uhapšeno je

šest osoba zbog

organizovanog

kriminala, te

šverca droge, a

još jedna osoba je

saslušana i puštena

na slobodu



Akcija je organizovana u Brčkom



Aleksa Krndija / FACEBOOK